

Broj: 07-23-1017/17
Sarajevo, 12.01.2018. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine FBiH“ broj: 35/05 i člana 17.stav 1. Zakona o javnim nabavkama BiH („Službeni glasnik BiH broj: 39/14/17), člana 69. stav (3) Zakona o javnim nabavkama („Službeni glasnik BiH“, 39/14), člana 100. Zakona o javnim nabavkama („Službeni glasnik BiH“, broj: 39/14), Federalna ministrica okoliša i turizma, donosi

O D L U K U **O PONIŠTENJU POSTUPKA JAVNE NABAVKE**

I.

Poništava se postupak javne nabavke koji je pokrenut Odlukom broj: 07-23-1017/17 od 04.12.2017.godine za pokretanje Otvorenog postupka nabavke usluga izrade Inventarizacije i geografske interpretacije invazivnih vrsta u Federaciji BiH, tenderska dokumentacija broj: 504-1-2-45/17 od 18.12.2017. godine i izmijenjena tenderska dokumentacija broj: 504-1-2-45/17-IZM1 od 08.01.2018.godine, procijenjene vrijednosti usluga: 85.470,08 KM slovima: (osamdesetpethiljadačetiristotinesedamdesetkonvertibilnihmaraka i 08/100 KM), iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II.

Nakon stjecanja potrebnih uslova, provest će se odgovarajući postupak za navedeni predmet nabavke u skladu sa odredbama Zakona o javnim nabavkama („Službeni glasnik BiH“, broj 39/14).

III.

Ova odluka stupa na snagu danom donošenja.

Obrazloženje

U skladu sa Planom javnih nabavki Federalnog ministarstva okoliša i turizma broj: 08/2-14-14-25/17-1 od 25.07.2017.godine i Odluke o pokretanju postupka nabavke broj: 07-23-1017/17 od 04.12.2017.godine, odobreno je pokretanje Otvorenog postupka nabavke usluga izrade Inventarizacije i geografske interpretacije invazivnih vrsta u Federaciji BiH.

Procijenjena vrijednost javne nabavke iznosi 85.470,08 KM bez PDV-a.

Obavještenje o nabavci broj: 504-1-2-45-3-16/17 objavljeno je na Portalu javnih nabavki dana 18.12.2017.godine kao i ispravka obavještenja o nabavci broj: 504-1-2-45-8-1/18 od dana 08.01.2018.godine.

Dana 10.01.2018.godine Federalnom ministarstvu okoliša i turizma (u daljem tekstu: Ugovorno tijelo), sukladno odredbama članka 99. Zakona o javnim nabavama („Službeni glasnik BiH“, broj: 39/14 u daljem tekstu: Zakona), od strane Prirodno – matematičkog fakulteta Sarajevo (u daljem tekstu: Žalitelj) uložena je žalba na izmjenu tenderske dokumentacije.

Žalitelj u žalbi kao žalbene razloge navodi da:

1. Izmjena tenderske dokumentacije nije izvršena u skladu sa Zakonom o javnim nabavkama Bosne i Hercegovine iz sljedećih razloga: - Članom 56. stav (1) Zakona o javnim nabavkama predviđeno je da zainteresirani ponuđači mogu tražiti od ugovornog organa pojašnjenje tenderske dokumentacije, ali najkasnije deset dana prije isteka roka za podnošenje zahtjeva za učešće ponuda. Rok za podnošenje ponuda je 10.01.2018.godine do 12:00 sati.

Ugovorni organ je u skladu sa članom 56. stav (2) Zakona o javnim nabavkama bio dužan odgovoriti u roku od tri dana, a najkasnije pet dana prije isteka roka za podnošenje zahtjeva za učešće ponuda što nije učinio (status u sistemu-neodgovoreno).

2. Ugovorni organ dana 08.01.2018.godine u 15:01 sati radi ispravku obavještenja o nabavci broj: 504-1-2-45-8-1/18 kao i tenderske dokumentacije u kojoj više ne stoji garancija za ozbiljnost ponude.

Ugovorni organ je utvrdio da je žalba je pravovremena, dopuštena i izjavljena od ovlaštene osobe.

Žalba je utemeljena, pa je Ugovorno tijelo sukladno članu 53. stavak 6) Zakona o javnim nabavkama („Službeni glasnik BiH, broj: 39/14), izmijenilo tendersku dokumentaciju – garanciju za ozbiljnost ponude u Otvorenom postupku – Nabavka usluga izrade inventarizacije i geografske interpretacije invazivnih vrsta u Federaciji BiH.

Iz navedenih razloga Komisija za javne nabavke je dana 12.01.2018. godine dostavila preporuku o poništenju postupka predmetne nabavke.

U postupku je utvrđeno da je komisija u svemu pravilno postupila, te da je preporuku o poništenju postupka nabavke data u skladu sa Zakonom o javnim nabavkama („Službeni glasnik BiH“, 39/14), podzakonskim aktom i tenderskom dokumentacijom.

Naime, u postupku predmetne nabavke nesumnjivo je utvrđeno da postoje dokazivi razlozi izvan kontrole ugovornog organa a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkaz postupka javne nabavke.

Iz navedenih razloga, primjenom člana 69. stav 3. Zakona o javnim nabavkama, odlučeno je kao u dispozitivu ove odluke.

Pouka o pravnom lijeku

Protiv ove odluke može se izjaviti žalba, najkasnije u roku od deset (10) dana od dana prijema ove odluke.

Dostavljeno:

- svim ponuđačima koji su preuzeli TD,
- Evidenciji,
- a/a

